

集部

## 欽定四

**吉**集部

詳校官典籍臣潘奕雋 侍讀臣孫球覆勘

總 對官助教 校官 詹録監生臣吳 红 縣 臣怨

琪


校

靕 뇸

欽定四庫全書 次記四事人 淡然軒集 提要 字世用交河人萬思丁五進士官至禮部 書盖文格是集分奏疏二卷序記三卷誌 臣 選而刻之繼登當神宗朝以災異屢見上疏 及雜文二卷詩一卷繼 等謹案淡然軒集八卷 W. 淡然軒集 集部六 别集類 登卒後其友人馮 明余繼登撰 五 明 繼 登 琦 銘 尚

重りで人 11111 者天地人皆不和怨毒凝結臣子不能感動 郊廟冊元子停礦稅粮中使時將討播 極陳一切訴求開採之害民者又請神宗 此集中詩文則應酬之作未免失于判削 應龍因請罷四川礦税以佐兵食復上言近 可恬不為意云云語皆切中時弊其疏具載 君父故天地人皆以非常之變警悟陛下不 大抵平正浮實無萬思中佻薄之習亦尚不 까

A CITY POT COTTON					失典型
淡然軒集			總統	總篡官	失典型也乾隆四十五年五月恭校上
			校官臣陸	總無官臣紀的臣陸錫能臣孫士毅	年五月恭校
			贯墀	臣孫士毅	上



次で可見とは可 傳以載一代之人物必博訪於四海乃可協衆人之公 欽定四庫全書 為秦修正史事臣惟正史之 STATE OF THE PARTY 政典福精考於朝廷即可備史臣之養述列 医内侧切除物物 医多种 淡然軒集 體紀表傳志悉備紀志以 余繼登 撰

傳者不可勝数矣弟人眾則其勢必須時久則其事易湮 金分で人人一 無容别議惟是自開國以至於今二百餘年間祖宗道 繙閱中秘副録搜求故實將以次輯為志表帝紀等書 裁之末自二十二年八月內開局以來日與諸臣在館 求海內典籍以備纂修德意甚盛臣以庸愚濫厠副總 正史以垂啓佑又允輔臣王錫爵等之議行令郡國購 評伏蒙皇上先允輔臣陳于陛之請物諭儒臣養修本朝 化之陰國家人才之盛應運而與光映後先其應載列

之公伏乞物下禮部移文直隸並各省提學官轉行所 逸方俊之流可備紀載者逐一查訪或詳録其家乗或 官秩崇甲一併收采至於名儒良吏孝子貞婦與夫隱 绿此外有立朝大節生平卓行表表在人耳目者不拘 之紀間多傳其疑非傳其信尚非聞見之博安能紀述 若全憑秘録之隱括則志其畧未志其詳欲無採野記 博詢之鄉評務要明白開具當時行事實跡編成書冊 屬各府州縣地方其有碩輔名鄉德業彰著者首先輯 炎紙軒集

**舒定匹库全書** 道 濫褒致清公論定為期限載入考成庶臣等得以籍手 大信以光大典事臣惟代之有史瞻於数實係載册書明示將 次第編摩不至就延歲時虚麼原鎮矣奉聖古禮部知 送部備考若有生不齒於時發無間於後者不許徇情 為俯循職掌敬陳修史一二未定事宜伏候聖裁以北 來用垂法成非一人之書而天下之公也非一時之書 修史疏二

帝紀行且就草矣臣竊即帝紀而言有不可不自為一 而萬世之公也故是非虚實之間子不得私諸其父臣 不得私諸其君而後可以言公今諸臣奉命纂修首先 諸臣詳言之皇上己允行之矣然附載太祖高皇帝紀 己可不必為紀者恭楊獻皇帝是己夫建文之號當復 紀者有可不必為紀者不可不自為一紀者建文君是 年為三十五年者盖緣即位之初欲以子繼父為名不欲 之末終覺未安臣常考閱實録思成祖所以改建文五

Calona Alkio

淡然軒集

金页四月 子言 難事而不紀所靖之難為何事若有所曲諱者今幸己 以叔繼姓為名故為是權宜之舉耳非有明部革除之 諱者而臣子乃欲強為之諱非以天奉聖祖也且事須 之兵有名聖祖之心益白夫以聖祖所不自諱所不必 復其號似當搜羅故牒採集傳聞詳載當時所用之人 其年而削其號並削其行事之跡故此數年間獨紀靖 也乃後修史者不達聖祖之意遂於建文元年以後書 所行之事別為少帝之紀是是非非明白無隱則靖難

皇帝積德累仁篤生神聖遂武萬世不拔之基然其發 不足惜如聖祖何臣謂不可不自為一紀者此也至獻 之紀令後世以人順之心信傳疑之語則史臣之失職 有實直道難枉今野史所記已多失真若不及今明為 欠已9日在15 安者矣况紀號獻皇帝而所書者乃弘治正德之年紀 祥之長亦不過如德懿照仁四祖止耳四祖不紀而獨 為献皇帝立紀豈惟臣子之心不安即皇上之心亦必 不安員惟皇上恐獻皇帝在天之靈亦且有與時不自 淡然軒集

前獻皇帝事只宜附見於世宗廟皇帝紀之前或別起 之公議何臣誠不忍使萬世之下有非議聖朝者謂可 公耳臣竊以為四祖事只宜附見於太祖高皇帝紀之 即否即且自古由藩封入繼大統者非一人武考史書 不然以獻皇帝之子孫臣度欲紀則紀矣如天下後世 未見有為其祖父作帝紀者被非不能紀不欲以私害 名為帝而所載者乃藩王之事皇上以為於義於例當 例亦宜與列聖帝紀有別庭使名實不紊體裁不淆

金万四月百里

臣等近接邱報見九卿大臣解俸助販荷蒙皇上俯從 如天如地真有髙出尋常萬萬者而於正史為益光矣 輔臣會同總裁纂修諸臣商議允當上請聖明裁决行 其奏且明諭五品以下不許辭臣等竊思人臣之立朝 不必紀者此也凡此皆非臣下所敢擅定者伏乞勃下 令載筆之臣有所遵守天下後世頌皇上之至公無私 指俸以資販濟流

次已四日在与一个

淡然軒集

也若記禄計官固分學薄至同憂共愈何間崇卑况以

青州之策執經累歲政沃無由待的頻年優游何補 臣等職居禁近既未當思郡邑睹艱難情狀而繪鄭監 且為肝食官闡憫旱皆己助貨凡在臣工敢安常禄且 之民以勢所可及而言五品以下禄入雖做亦可活匹 無事猶當奪禄豈訟時乃可素餐因此不自揣量願捐 夫匹婦之命值此甚災之日又當極匱之時皇上憂氏 勢所不及而言四品以上俸資雖厚豈能遍數州數都 之圖官守問曹人無能親職事得見勉勤勞而效富 即

昼気に居

宣與役之時乃敢坐安常禄即較大臣之俸不無厚薄 CANDIDI AILAN 兹遇皇居門新工力浩大閣部諸臣各號指俸以濟工 而原臣子之心何分彼此願照例指俸一年少資工費 役臣職列間曹久四歲俸在無事之日尚且深愧素餐 俸户部知道 俸新以佐消渦伏乞聖慈勑下該部准熙在京堂上官 體解拍則臣等愚心不愧愚分少安矣奉聖古准拍 捐俸助工疏 淡然軒集

金克四母子書 乞聖慈特物户部將該支俸銀扣解工部收貯應用以 臣跡靡定安敢遠及歲時禄入有常竊欲少輸消滴伏 見臣子不敢安常之義不忘趙事之忧奉聖旨户部知 為過災修省恭請聖明臨御講筵並獻愚忠以備採擇 ゴ 您谷之未盡深引 過以自責是皇上警懼悔悟之心至 以回天意事兹者就清宫炎臣伏睹皇上明降手礼思 火災疏一

毅具 竟舜之資近乃不樂讓言似未擴其舍已從人之 之於皇上者而天出災變以感動之矣夫皇上英明果 真至切數年以來臣下所欲得之於皇上所不能必得 罪講姪切糜廪禄平時既無能啟沃主心遇變又不能 不敢復以莫違之成心忽難諶之天意是舍舊圖新之 度者特聖心偶未之悟耳一旦翻然猛省惕然覺悟必 大機也昔人有言臺諫所不敢言者講臣得言之臣侍 人工可重任等 一 說個教不惟負皇上柳且負天故敢少竭其愚臣講 淡然軒集

講筵非風雨不免因竊自思以皇上至神至聖豈二三 成得其當講讀日懈則志氣日縣而處事多失其平皇 此者毋亦謂親宦官宮妾不如接賢士大夫之雍容處 儒紳片時講誦即能有補於萬一而皇上留心問學如 臣也猶憶供事之初皇上時御經選非寒暑不輟日御 砭箴子是故自古人君講讀日動則志氣日清而處事 朱聖賢理義之馬永樂聲色設使不如問格言法語之 秘殿深宫不如居廣慶細旃之飲的舧醉飽醲鲜不如

虚 5 四月五章

欠已日日上日 照臨人且取異十日而不見日將翹首東望不勝抑鬱 臨朝者陛下也今歲不一御矣夫人君象日日一日不 上何不反躬自思以今昔而並觀之也告講讀時妹爽 有煬竈之好中局外閉如國事何知皇上在御必無此 所為下交者不得不憑批答而批答又有時而不下茍 者不得不憑章奏而章奏又有時而不行上不接下則 之心當何如者此猶其小者耳下不見上則所為上交 無聊之思為人臣子而於歲不一睹天顏其瞻天仰日 淡然軒葉

金与四月石雪 於遣官恭代豈以代者之恭即能謝天譴而回天怒乎 故事則權不旁落政即下移是皇上作法也豈以明聖 事價聖子神孫中剛明稍有不及皇上者而引今日為 然不一請郊壇深陳自怨自艾之誠以祈天佑而僅止 心譴怒至於焚燬宸居震驚里躬視早災為熟力者猶 至郊矣夫郊祀不親己非古人昭事之意豈有目睹天 而處不及此也昔講讀時過早步禱者陛下也今不一 未可少也此時而不親郊更無望親郊時矣皆講讀時

次已日日 日 言疑其私人疑其黨大蔡既因之而虛位庭官亦因 有所主輔臣不能申其說意有所移九鄉無能採其敗 講讀時推心以委大臣坦懷以任羣臣而今不然矣中 心不能自安即列祖在廟之靈不能不望於皇上也皆 惜及尺之勞不躬詣祖考之前一申報謝豈惟皇上之 時皇上所望於九廟神靈之保護者豈不甚切而九廟 神靈所為點佑於宜真之中者豈不甚力幸無事矣乃 **時亭齊居者陛下也今不一入廟矣臣竊度之方被災** 淡然軒集

優容直諫之士而今不然矣言官而言既怒其言而顯 足之臣逡巡而莫知所指陛下誰與治天下乎非所 脉有所不周則必有壅關痿痺之患今上蓄疑以待下 可信可倚者乎亦薄於視士矣夫國家事如人一身血 以另推自古未有堂陛隔絶如此其甚者也夫皇上養 下懷疑以事上至令腹心之臣惶惑而不敢斷耳目手 **廿二十四年於茲矣豈生於今者盡懷私植黨而無** 體之誼成泰交之風也昔講讀時起用建言之臣

金月口人人言言

次足马目 在告 阻矣惟陛下辨言之公私以為從違因以辨人之公私 儻復厭其煩怒其激則諫道從此遂塞而陛下之善念 争欲發憤懣効忠誠而言未必悉當詞未必悉婉皇上 社稷之福也今修省之日正不諱之時臣恐在朝之臣 下之積然不敢言耳夫不言極易事耳然人臣之利非 者其心豈真以朝無關政可遂相安於無言不過畏陛 亦斥用者既斥斥者不許復用故兩月來無敢以言進 斥之不言又怒其不言而聚斥之當事者斥不當事者 淡然軒集

自然一二官寺而罰止遠遣罪不株連今何如矣疑心 生人口是 台灣 章使人不懼死孰不感恩當死而生感恩必甚由是肘 以為用含不可以為言耳而緊視之也昔講讀時亦 及而自見其可忽惟皇上布大德赦小過治有罪釋無 攝之以威則愈不及而愈見其難堪寬之以情自無不 少得皇上之惟心其逆聖意而被嚴譴者攝於成也夫 朴之惨滿前徵遠之使載道夫此輩豈不欲委曲承順 生視左右盡若可怒怒心一起視左右盡皆可刑鞭

欠日可四日 年二 多然之主而秦誓之書輪臺之的載之經史為後世美 之且必行之夫聞之而能行行之而能必於行是真能 勤講讀為修省之要務也然臣不獨言之惟望皇上行 忽忘故臣願陛下之亟行之也昔秦穆霸國之君漢武 悔悟者也人情初悟初悔皆能舊屬而漸久漸怠不免 於聖志之未清其本皆由於聖學之久廢故臣惓惓以 亦何憚而不為此也凡此皆行事之偶失而其原皆起 腋 暫御其愛戴皇上當有甚於皇上之自爱者矣陛下 淡然軒集

金分四月石書 談皇上儻不以臣 言為迂而力行之則天下萬世頌 明 天子者為禹為湯而高出秦穆漢武之上矣

為感時效忠敬陳致災之由伏乞聖明省覽改圖以消

聖心備陳修省之要矣臣復何言臣備員講幄執經而 天變事兹者乾清宫災聖德識冲引各自責羣臣仰體

事陛下每覽經書所載古昔帝王即當太平無事之日

而戰兢惕属恒如天之無親而民之罔懷者何若是其

火災跪二

欠已日日在時 憂治危明之士抑鬱而無所告不免 仰天而歎也歲額 曰天視自我民視天聽自我民聽今歲一執珪壁事上 凛 漂也盖知君者天之子也君雖尊常當畏天天者民 陛下縣以為私而斥之且禁錮之矣恐間有忠肝義膽 御也第該之曰調攝夫果調攝也明明在上必自知之 帝而陛下不觀也天授陛下以大位而歲時虛之不一 不然天無怒字先後進言諸臣皆天生賢才為世用者 之天也民雖微常能動天故曰小心異異恥事上帝又 淡然軒集

嘆也罰好懲惡法何可廢彼其林連漫引之衆誣服於 金为口人一 拷訊之下而無所告不免仰天而歎也天以天下臣民 已必致死亡被當唐死亡之時而無所告不免仰天而 免仰天而嘆也左右勢御一逆聖意動加鞭扑鞭朴不 歲增熟非民力有司請損之而不可得不得不厚飲以 天之怒陛下不以言其做戒陛下亦不以言時出敵國 付之陛下乃監觀四方日間嘆息愁苦之聲天無怒乎 充之嚴刑以迫之彼窮困之民醫妻醫子而無所告不 卷一

次已马巨白色 速也今展居既煅行且斟新陛下不以此時收拾人心 豫两間交泰和氣薰蒸變災為祥其事甚易而其效甚 趁 解 網與天下更始則不俟崇朝而臣庶騰惟帝天忧 心惕然思翻然悔悟急下罪已之諂深陳既往之愆改 亦甚而其仁爱亦切矣伏願陛下敬天之怒體仁愛之 深居靜攝優游逸豫之地一旦付之烈焰之中夫之怒 之而陛下又不悟也於是舉紫宸太微皇上萬萬年所 淡然軒集

外患以譴告之而陛下不悟也又出水旱盜賊以譴告

在父世屋台雪 有大可畏者矣皇上聖神當自明知而臣猶敢喋喋者 諸臣之後屢陳勘講之章而天聽彌島清光愈遠執經 天威怒宸居為焚皇上自引咎愆臣養各陳源曠况如 為因災省咎自陳不職乞賜罷斥以回天變事或者昊 亦講誦陳說職掌當如此耳 **逐欲糜其財而勞其力恐易動之勢成而難諶之天復** 臣者很以謭陋游沐龍禁八載講惟廿年清秩雖從 火災自陳疏 · 卷一

**茅荷蒙皇上簡置詞林晋侍講屋以至今官二十有** 為患病不能供職乞恩放還以便調理事臣以一介草 之已後布賜罷免用戒跳庸豈惟深荷皇思亦可少答 真慚廪禄赤統實玷班行深知策足之不前自分乞身 天龍奉聖古余繼登着照舊供職吏部知道 淺薄不堪領袖詞林魚學術空睞安望總裁史局素食 而待志欲劾夫消埃倚席不談功何碑於尺寸且行能 患病疏一

欠こりるとう

淡然軒集

金分四人五人三百 月三十日忽爾頭目肢痛手足酸軟痰雞胸膈两 無人飲食失節以是平生善病壯年尚可支持四十以 仁臣之志也縁臣七八歲時父母連丧兄長先亡將養 春復病内傷飲食減少臣猶自忽略謂可幸無事至三 遇病疾瘡瘍但註籍服樂痊可即出未敢言去自今 間當早屏居攝治不治將深臣竊意不然故數年來每 後病即委頗每延醫診視謂臣氣血两虚病不在肢體 矣臣雖至愚極陷亦思竭消埃之力以仰答天地之 年

欠已日至 二十 早聽良醫之言以至狼狽如此也然無及矣夫人疾痛 容補養元氣或萬有一分之愈臣始悔臣過於自信不 割復延醫診視皆言是元氣久虚疾火網結表裏皆邪 則呼天呼父母臣早失父母陛下天也是以不得不哀 觸處悉病茲欲東補西攻無此妙劑惟有謝事歸田從 而臣病愈深危亡可旦夕見也伏布天思憐憫廣開好 非養病之官若使床褥呻吟尚縻廪禄則臣心愈不安 於陛下之前况臣職風講選非養病之地佐司邦禮 淡然軒集 麦

吏部知道欽此臣伏睹綸音感極而泣即強自魯勵延 先以病乞歸奉聖古余繼登係日講官著在任調理供職 吏部知道 治樂比常加倍服食期在必愈豈知脾胃久弱樂餌難 為患病益深調理無效再懇天恩放還以延殘喘事臣 日之賜也奉聖古余繼登係日講官著在任調理供職 生之德即放生還早就醫樂倘延一日之生即皇上 患病疏二

金分四月八言

之光祭為人臣子孰無是心而臣亦不能待也此又宣 中豈以今官階漸崇職任漸大又有修史諸務顧欲托 於今二十餘年間未當告假一日告病一日以偷安里 **茍可勉強支持需以歲月或得徼皇上之龍命為祖父** 乞 憐於君父之前臣資雖蠢愚性非懶惰自入仕以至 運 化藥劑矣臣始嘆欲強者心不能強者命不得已再 病以求安豈人情哉况臣歷正三品俸幾二年二個月 調服樂既頻脾胃益弱始猶不能運化湯粥今併不能

欠三日百 在時

決然軒集

ま

萬歷二十四年七月十三日臣等代間仁聖懿安康静 金好四母石書 皇太后崩逝大小臣民無不哀痛號呼情如丧此別皇 古余繼登着遵前古調理供職吏部知道 人情哉陛下可以諒臣之病苦矣臣伏桃氣結詞不能 上至孝因心合萬國以奉長樂之惟二十餘年矣一旦 不能報陛下愿臣子子孫孫當祝聖壽於無疆也奉聖 達千 祈萬怨惟望皇上慈悲憐憫早賜生還而己臣 即 恭慰疏

**火足四年全彗** 禮曹逃病通起碌碌無所短長已一年餘矣頃以科場 情無任倦倦奉聖古覽奏慰知道了禮部知道 之事臣部儀制司即中張世才為科臣指摘雖科臣忠 為奉職無狀乞賜罷無以警順官事臣一介草茅待罪 遗詔少柳聖情以慰海内之心以成天子之孝臣等下 主所係至重又犯静攝之時豈宜哀傷之過伏望仰夢 違養其悲痛又當何如者恭惟皇上一身宗社臣民之 自陳疏 M 淡然軒集

堂官豈可盡該日此尚書即中事而與己全不干涉乎 彼時不敢有言者懼涉庇護之嫌且以是非聽部院以 量宽雷霆之威將臣特賜罷免以為尚禄曠職不善調 或可以恕臣而臣則不可以自恕况同部而不與其事 處分聽朝廷耳今世才已蒙聖恩薄示調罰矣如臣獨 學疏中明言左右堂不及知若為臣開罪者但臣備員 同事而不與其罰均之無可解者伏望皇上擴天地之 靦顏以無罪無事自居豈人臣難進易退之義哉夫人

在戶口

大三日二年 在 **范伏念臣章句凡儒草茅賤士遭逢聖主叨厠詞林執** 貫羊一隻酒十瓶到臣私寫臣謹焚香望關叩頭私領 為恭謝天恩事萬歷二十六年四月日伏蒙聖恩以臣 照舊供職吏部知道 三年考滿欽遣御前答應牌子李虎齎賜原封鈔二千 泉皆皇上之極恩而微臣之辱幸也奉聖旨余繼登着 停者之戒别選賢能以佐邦禮臣雖竄身田里養病林 謝羊酒鈔錠疏 淡然軒焦

慈特加寵錫發內庭之雖格勤中使以傳領醇醪分玉府 經講惟何有沃心之益備員卿佐深慚典禮之司虚索 為觸事陳言懇乞聖明採納以明公論以定國是事祠 禮部知道 力於消埃仰以答鴻仁於天地奉聖古覧奏謝知道了 之珍肥貯出大官之畜儒鄉增重蓬戸生光敢不竭爲 未効一籌在英已驚三載自其幽點敢望明思乃荷聖 覆諡法疏

在分口屋石雪

祭清吏司案呈奉本部送禮科抄出京畿道監察御史 年之後者有倖獲而数罷者皇明臣諡類鈔可鏡已通 肚之屬者一二時事義激於東鶇敢不揣點劣敬為我 人こうら から 來人心不古毀譽失真彬彬實副盛名者雖十九子然 二百年來清議題之故有益在百年之後者有在數十 皇上陳之武垂聽馬一議諡法夫諡以易名最號鉅典 喬壁星題臣不伎待罪西臺十有三載緘口吹 舌非不 可悠悠待遷爾臣言官以言為職者也持禄需次臣實 淡然軒集

應奪某也應改某也遺漏應補各膽列實蹟封送該部 行事差可其心孔艱而諡者矣又有謚與人不相符合 金丘四月至書 類奏恭候皇上子奪務俾真正純白之士胥被華衮之 者矣諸如此類更僕難數要之奸強溷淆褒貶錯亂何 娳 無用別議外將二十年以來獲益諸臣開造書册送九 亦有阿附江陵而諡者矣有春部多班而諡者矣近有 以風宇内而勸來許即謂宜勑下禮部除世遠論定者 科道衙門矢心天日逐一評品親註其也應益其也

惟公論著而後國典重羣議定而後臣登明我國家磨 来公評摘舉鉄益各臣以彰幽隱以昭激勸事臣等伏 欽此人該禮 科署科事左給事中羅棟等題為循職掌 謬謂諡法之當議者如此等因奉聖古該部看了來說 祭而負愿作偽之徒不得信其欺世盜名之計 珠奸雄 礦臣工意至深矣生也髙下其官品有爵以馭幸死也 輕其人品有益以易名爵有時窮而益無時窮故 既往勸生者於方來鼓舞世道之一大機括也臣愚

次已可見公馬

淡然軒集

Ŧ

勸來兹據大明會典內一款大臣應得益而遺漏者不 金为以因人言 采恭訂於下而是非不謬聖明獨斷於上而與奪無私 條議諡法大約感時觸事見易名之典重故不厭精詳 為至重爵猶可好而益不可好故益為至公益者行之 追慕前修見盖棺之論定無媽博取皇上物下部議奏 論遠近許科道官從公舉奏近該京畿道御史喬壁星 迹也大行受大名細行受細名非獨以彰往普亦將以 在斯一舉矣惟議諡關禮科職掌安敢無言臺臣議舉

次已9日在5 世猶憑之矣伯温聲著西臺名留全楚當交趾作孽之 秋 餘 勇可賈深入其險阻先聲所聾逐易其狡心兵不 不逾時而元惡就擒社稷幾危而復安文定之功代萬 之日倡義先在遂領其巢穴挺身奮擊立盡其颠鲵戰 書毛伯温是也文定少喜談兵長多奇節當宸豪發難 之所紀載有勛績最茂品格最高昭昭在人口吻間者 二人 兵部尚書燕右都御史伍文定太子太保兵部尚 其近者臣等請併及其遠者謹以故老之所傳說史乘 淡然軒集

血 武之計誤雅受知於孝廟獨不合於字臣入仕重五十 禎 當並議矣學問甚正出處甚明彰彰在人耳目間者二 寂寂獨至今未補竊以為折衝禦你甲胄有勞之益法 人吏部左侍即張元禎南京刑部右侍即吳悌是也元 韓雅可稱伯仲今守仁得謚丈成韓雅得謚蹇毅二臣 亦畏之也考其當年文定與王守仁實共死生伯温與 識洞本源接漁洛關閩之正脉動成文象陳禹湯丈 外而酋長乞降荒服己攜而復附伯温之威名四裔

金为世月白書

九己日日 日 諡文恭二臣亦寂寂至今未補竊以為勤學好問避遠 切吴悌與羅洪先妙解静修今羅倫得諡文莊洪先得 不義之益法當巫議矣其他若都御史魯楊希心玄曠 於旅時淵澄非過情也考其當年元複與羅倫共相規 非虚譽也吳悌接統象山遡淵源於立大玩易凍水妙 進退於觀府由脩吏而抗節西臺避權貴而屏居里第 年在朝僅九閱歲士大夫想望其風采比於祥麟瑞鳳 一仕三十餘年朋居二十餘載士君子評論其氣象擬 淡然軒集 Ī

金安世月五月 羔羊之節久而不渝兵部尚書郭宗卑敦尚風節畫桂 髙踪刑部尚書李遷歷官途四十年而家無長物禮部 之性老而愈烈食都御史楊繼宗天植忠孝尤確守四 執持風紀中允張元忭之不愧科名以上諸臣合於例 侍郎田 顏以忠謙殺身庶吉士鄒智以直言貶職御史劉臺之 知之家法大理寺御夏時正學成恬澹乃超慕孤山之 恪之清修絕俗尚寶司卿孟秋之高潔邁羣中允郭希 一傷居詞林二十載而人無間言大理寺卿陳

間以一 欠三日日 江南 難而定益尤難之難舉生平之行業總括於一二字之 如此其多也而臣等所舉甚寡豈其責備太過而故以 議與似亦未可斯也夫明與二百四十年以來海宇為 補淺狹隘之心斯名賢華衮之祭哉亦為知識有限 而應得益者或循例議補格於例而不得諡者或破格 天下如此其廣也而臣等所舉甚狹俊又在列人才 以揣摩疑似之見輕國家命名之典也大抵知人質 一時之議論流被於千百世之遠可不慎與不然 淡然斬集

生色於九原豈獨為昔日之諸臣榮乃實為今日之諸 既已湮沒者條然著逐於千古聲名既已漸減者煜然 具調如鹹淡甘苦之齊一然後議覆上請施行則功德 等官博加咨訪必羣議盡協如權衡尺度之分明衆 取所未備者仍將量臣之議開具書冊分送九鄉科道 亦 則俄而議與又俄而議奪若吳府來之己事雖快人心 傷國體不若慎重自今日之為得也皇上量同天地 並日月伏乞物下禮部以臣等間見所己真者與採 口

金知四月有言

とこうこ 瑀之諡 貞福非善者諡而惡者不諡也夫善 諡以善惡 司索呈到部看得朝廷立誠法以助刑賞之所不及其 美惡未當其人查來俱改正行飲此飲遵通抄到部送 改馬其後則善惡並諡瑕瑜不掩如鄭羲之諡文靈肅 來久矣古人嚴於懲惡故名曰幽厲即孝子慈孫不能 所奏着禮部從公有議訪實具奏以憑裁奪亦有諡之 家激勸大典以彰前賢以勵後進以定萬世之公論這 臣勸也於世道未必無闋繁矣等因奉聖古諡法乃國 7.12. 淡紙軒集 声四

多好四百百百 明指其人或暗指其人或主於子或主於奪無非集思 諡不 肖者不復予 諡故人存倖得之心競肆對求之計 益以惡故人不敢借公典而像私思流樂至今賢者予 定見隨人口吻以為短長者心各有主冢各爭鳴使非 評四海之人品聞見未廣妍雄易清有私其所好好而 以致易名之典不足為礪世之資今二臣先後具奏或 不知其惡者有私其所惡惡而不知其美者又有中無 布公之意第以一二字而聚一人之生平以一二人而

白 白某不當益亦明書行事如何謬戾心府如何奸邪 議者應益而未益者除科臣羅娘所疏姓名開具分送 命下容臣等將萬感元年至今凡諸臣己得益者盡行 查出開寫文冊分送九卿詹翰科道諸臣令其虚心詳 盡付之公評何以能調乎衆口合無依二臣所奏恭候 開列如某當該即明書行事如何公正心術如何 指實係具勿拘對偶勿用浮詞勿以私好而過為褒 其餘人衆難於編查者果諸臣有真知灼見不妨明 1 後然軒張 i

明古着禮部從公看議訪實具奏以憑裁奪夫類奏則 將來矣再照議益係本部職掌類奏係言官條陳伏奉 指摘得實者將原議官一併議處處子一人而衆皆知 金定四库全書 祭奪一人而衆皆知辱賢好不淆於身後勸懲可神於 至應奪者亦然統候聖明裁奪偷所議不當日後被人 **獎勿以私惡而過為議許勿如矮人觀場而隨聲附和** 候通送到部類集具奏某官應予即明註係其官所議 須者議看議則不專類奏應類應者竟當何從子奪

於它四百人自己 家設置六柳分背而治均不可缺而禮部所司則朝廷 為禮御久缺怨乞聖明亟賜簡用以重和禮事臣惟國 後還照舊行 求以傷朝廷錫子之典其議益類奏係你部裏職掌以 若已諡的果於羣議不協方許改正追奪母得過於許 聖古依擬行令九柳等官虚心詳議應諡的准與補諡 肵 關嫌怨易起更乞聖明剛定先下臣等遵奉施行奉 請補禮鄉疏 淡然軒集 子

金りに人と言 非代庖者所能獨勝也自本部尚書范融於二十五年 至鉅以暨至繁至瑣無日無之一日缺人則一日廢事 之典禮藩府之名封諸司之文移四裔之朝貢由至重 恭進唇覺即便勉強驅策不免支東遺西顧此失彼臣 難今楚先又奉欽依回籍閉住止臣一人在部臣識既 庸愚才復短淺且年來多病氣血耗傷又當日撰講章 有署部事左侍郎劉楚先與臣二人辦理尚且支持為 ,月内病故至今幾九月矣廷推上請未蒙點用然猶

欠已的多二十 事臣竊惟國之有禮猶之有幹也部之有尚書猶衣 為部務繁重攝理非宜再點聖明簡用正御以重典禮 曹非缺官之地宗伯非久缺之官欽點一員掌管部事 **庶倡率有人諸司振飭庶事不至停閣而典禮以次舉** 廷推諸臣皆在朝在野資深望重之賢伏乞皇上念禮 今不早言坐待部務廢弛彼時陛下罪臣亦已晚矣况 請補禮仰疏二 淡然軒集 ŧ

望輕則上下有所未爭病久則精神有所不及日復 又自去年三月患病至於六月血氣耗傷形容憔悴夫 意皇上自有聖裁當無俟臣下之煩賣者乃兩經會推 至神亦未有能廢秩宗之官者誠重之也今本部缺尚 之有領也不植其幹則無所約束而禮不立不振其領 伏候至今未得飲命臣實惶懼臣至愚極陋素望輕微 則無所提挈而禮不行故自古帝王及我祖宗即至聖 年矣當臣初署印時即具疏以請未蒙批發竊

金月四月全書

ひこうこう とこと 廷而羞天下之士夫即伏乞天恩亟點尚書主管部事 章進呈御覽而顧能無攝尚書之事乎故署印可暫必 **意堂堂天朝無一人堪為宗伯者傳之四方豈不辱朝** 不可久也况四裔使臣其以進賀入貢至者歲時相望 能無也夫尚書不能無講讀之事臣待罪講讀當日撰講 遠人不知聖意所在但見終年竟歲缺尚書不補將妄 欲無以其有章奏之查覆文移之裁決事至繁鉅勢不 日漸 恐廢閣且查售例禮部尚書未有無講讀者非不 淡然軒集

金女四母全書 遭遇聖明待罪講惟偷資而至今職分量人已逾矣竊 當大計羣吏臣備員御貳例當自陳伏念臣草茅寒賤 為自陳不職乞賜罷斥以重計典事萬歷二十七年復 效愚臣免源曠之您 所共知也疾病牽纏氣血耗損形容憔悴手足重遅比 自惟學術空躁才識短淺不堪佐禮况堪代庖此人人 **废司官有倡率之人事務無廢弛之樂朝廷收會通之** 考察自陳疏

欠已日息 任前 等衙門左給事中等官桂有根等題臣等本日黎明同 為巡視事祠祭清吏司案呈奉本部送内府抄出兵科 登直講署禮學行素優著既舊供職不准辭吏部知道 臣即歸老林泉茍延殘喘皆皇上思德也奉聖古余繼 恩特賜罷免以明臣愚瘝官之罪以示清朝計吏之公 逃於日月之照臨哉是臣曠職最甚幽點最宜伏乞天 人人所共見也臣之不職無能逃於隶人之耳目况能 覆雷火疏 淡然斬集 克

**時膏雨將沛未普昨晚電光閃燦雷聲迅烈且擊破太** 等奉命巡視皇城則禁垣以內事體均當舉奏竊意今 擊樹下看驗樹上火燃形跡及地下灰木數塊是的臣 火光直出本監員役用水灑減等情到臣臣等親到被 手本禀稱本月二十八日晚刻洛雨太廟內雷擊槐樹 肫 為民百官萬姓莫不感激誦德乃比日陰雲聚散不 春多方乏雨麥秋早稿我皇上竭誠祈禱雨澤皇意肫 赴慈慶官點閘工程接得熊山前衛指揮愈事于大朝

金分口母台書

久已可以合写 盖嘗得之古籍有云陰陽和而後雨澤降天人孚而後 天鑒我皇上聰明曆知償乘萬幾之假穆然深思求所 陰陽調皇上臨御以來敬天法祖何所不極兹者雨賜 矣第雷火起自玄真臣等何敢以恍惚之説上煩聖聽 圖回也乎臣意慶賞刑威總關天心而匹夫匹婦均屬 您期雷霆迅發可徒委於氣數之適然而不思以修省 将必惊然不寧我皇上驚聞之際亦必有惕然軫念者 廟内大樹一株就中火起則雷霆之所震動九廟之靈 淡然軒集 ŧ

告奉安擇日另行具題外其合行修省事宜相應照例 聖我教祭等因奉聖肯太廟雷火擊樹上天仁愛示警 是雨楊時若年敦順成國家有道之長端在是矣伏惟 大示 祖廟震驚聖心兢惕罪在臣等復何敢逃除祭 部伏念臣等典禮之臣奉職無狀不能叶和神人致雷 朕心深切惕然遣官告祭奉安及修省事宜便看擇日 以整 肅綱紀登庸衆正休養元元則聖明上格天眷自 具儀來奏禮部知道飲此飲遵抄出到部送司案呈到

多分と月日日

たいり自己的 以文彼青衣辦事停刑禁屠修省之文也請以修省之 薦之上帝以配祖考故天子主天地宗廟之祀此禮之 實為皇上陳之易曰雷出地奮豫先王以作樂崇德殷 業共圖消弭臣等竊惟修省有文有實而弭災以實不 俱三日本部仍行文南京禮部令其傳輸諸司各修職 至重者我皇上不親郊廟積有歲時矣每常遣代該以 月十三日為始各青衣角帶於本衙門辦事傳刊禁屠 題請恭候命下嚴行各衙門大小臣工痛加修省自本 淡然軒集

静攝儿重深客静攝與否臣下不得而知祖考鑒臨知 宗之神寧無望於陛下乎伏乞特遣中使選擇淑女以 六年十二月既己告之祖考乃遣官侯吉日久未報祖 寧無望於陛下乎合無今次恭請聖駕親請太廟祭告 之必真果常攝而常代也宜無不可者不然祖考之神 敢越今皇長子唇齡十八己越期矣選婚一事於二十 孫本支繁盛故定為十六歲成婚之期逆行至今未之 以慰安祖考之靈此修省之實也祖宗之心欲聖子神

金分四月月

次已日日全島 諸臣言之而不聽各版言之而不聽合既言之而不聽 且恐伏欺罔之誅耳今海内蕭條民窮徹骨椎骨吸髓 培養生息之人民也民安則天下安天下安則祖宗之 而此輩不能勿擾非樂於擾民也不擾民則無所得利 心安近來好民妄窺朝廷特獻确稅皇上戒之以勿擾 百戰所辛苦經營之天下也人民者祖宗二百餘年所 何能人堪乃撫按言之而不聽科道言之而不聽大小 備演習禮儀舉行吉典此又修省之實也天下者祖宗 淡然軒集

宗之意可知已伏乞明詔大臣條上恤民事宜奏請聖 裁稍布寬大之恩用甦問閻之困以明示我皇上遇災 **始而不安祖宗之神能無望於陛下乎今三春亢旱四** 止不以累民亦豈無稅課然稅有處課有額不許瑣及 至引祖制以折人言祖宗時豈無礦課然有則開無則 夫之公 議使祖宗之人民 框擾而不寧祖宗之天下危 民間常用之物性牒可稽也若信亡頼之小人違士大 飢荒皇上焦勞祈禱而且霖未渥怒霆先震天與祖

からロスとこ

卷一

たとう自合い 回天意母得徒節虚文 臣工各要恪修本等職業實心匡濟特艱共圖消弭以 之彌文欲以應變而回天豈可得哉奉聖古是奏內事 關朕躬的已知道了祭告奉安暫遣官恭代你每大小 屬甚難禍亂已形收拾不易此時而猶泄泄然循修省 度勢必有窮苦之民美兵於潢池之中者民情既海聯 實也夫霆怒氣也火兵象也人怨於下天怒於上循理 思咎畏天畏祖宗之意安民安天下之心此又修省之 淡然軒集 į

明 **青又踰月矣夫使事在可己臣等雖至愚昧何敢仰瀆** 至踰三月乃敢於二十五年二月內復申前請至今候 皇長子年已長成例當舉行冠婚大禮於二十四年十 聖聽顧禮有不容不舉而特有不可再運者此皇上所 為大禮踰期未奉俞旨敬竭悃誠再中懇請事臣等因 月内循職掌按故事具疏上請伏俯候古未敢貼激 知也皇上神聖於國家典故無不覽閱亦會見祖宗 皇長子婚禮疏

金分四人了是

飲色可草 全書 廟神靈之望下以順四海臣民之心臣等不勝惓惓態 祈之至疏上不報 王音或將前疏批發令臣等遊奉擇日舉行上以慰九 煩瑣癬沫申請伏乞皇上萬幾之服少賜省覽或特降 致令過時之罪臣等即百口亦無以自解矣因此不避 職司典禮若復緘黙不言儻皇上責臣等以何不敦請 **時有皇長子年十六歲而不원者乎不避婚者乎臣等** 皇長子婚禮疏二 淡然軒集

**歲漸加充實且書做對句頗有進益朕甚嘉悦皇長于** 長子暨諸皇子問察習學之功見皇長子氣質比與去 為仰遵明諭偷循職掌懇乞聖明早選淑女以備舉行 等所奏俱已悉知皇長子言及冠婚祖宗禮制天倫親 **婚禮事臣等於本年五月十六日伏親聖諭內閣覽卿** 欲先行三加冠禮次及册立選婚狀思今未正名封而 緩者正要培養豐厚誠愛重之意今春至夏朕蛋召皇 情限豈不欲早得傳行但念皇長子素禀清弱所以建

婚 文色 日本 全馬 詳慶宸居之落成在通大禮之舉行有日矣臣等伏思 冊立冠婚典最弘銀一切儀章猶可從容備辦惟是選 不舉手加額踴躍嘆服仰見我皇上天性至愛唇應周 同行此亦指制也諭御等知之欽此臣等莊誦綸音問 **煥然一新行此大典庭嘉禮有所天下傳聞以便臣民** 行加冠之禮冠服不便前已有古况二宮不日落成待 具瞻若其束髮之冠須待選有婚儀擇日冠巾與婚牙 節則非旦夕可就者盖民間女子年近十五多己 淡然軒集

該衙門先期造辨俟两宮既竣方新九重壯麗之觀而 得賢淑以光大典至於合用冠服儀仗等物亦乞物各 聲竭悃誠齊沐上請伏乞聖慈允俞亟賜差官選擇務 責典禮之臣何不早請臣等即百口無以自解者用是 諸處差遣往返動經數月習蝴禮節又胜多時及今圖 三禮並行式慰四表臣民之望則主器得人國本永固 之猶處延緩儻不預選一旦两宮告成有誤吉期皇上 婚配如都城遊選未必相當頹博求於比直河南山東

金少世人自言

為選婚奉青未荷允行仰態聖慈發賜遣官以求淑德 和氣畢萃於庭園喜頌交雕於海宇其為宗社無疆之 福莫大於此矣奉聖古知道了 皇長子婚禮疏三

以光大禮事先該臣等於七月內題為仰遵明諭偷循 職掌怨乞聖明金選淑女以備奉行好禮事奉聖旨知 道了欽此臣等寫念思出慈父命由大君皇上既知禮

九三日三 AIS 之此不可復建将之此不可復緩自將特降諭旨不俟 淡然軒集

Ē

之以示慎重之意即夫二宫落成行此大典聖諭宣布 不遗忘至此無亦以典禮重大必待敦請再三然後行 母得故為延緩冒費錢粮欽此額料在工諸臣既奉嚴 該工部覆奉聖古是着內外總理提督等官上緊催債 昭如日星近見工科都給事中韓學信題為大工繁 鉅 臣下喋喋矣乃幾及三月未蒙傳示皇上萬幾雖煩必 古孰敢不夙夜從事仰副聖心是大工之成已可 計日 工程不宜延緩態乞立限責成以圖節省以肅禁近事

金分四月至書

之實望皇上行之伏乞恩命蚤賜允行博求淑質用備 嘉耦使輪與書新之日聖駕還御之時即首舉冊立冠 典禮之臣以行為職不但以言為職故不但望皇上知 乃選始之事尚未差官自今及春為時幾何臣恐勢將 臣不忠之罪臣不敢也故敢罄竭愚悃仰祈天聽臣等 日久會推無期若有所待而自該有所該而不言此人 两請簡用尚書庶籍德望之臣可如賛襄之力而發延 無及己臣繼登自知誠不足以格主言不能以動天故

欠已日日上日

淡然軒集

金月山人台書 婚諸大吉禮則官蘭之樂事併於一時而臣民之惟聲 乃祖宗訓章大典嫡庶長幼一定自有次序緣因皇長 騰於四海矣臣等曷勝激切屛營稽首頓首千祈萬懇 於文華門接出聖諭股惟冊立分封東宫及諸親王此 為欽奉聖諭事萬歷二十六年十一月二十七日臣等 之至疏上不報 皇長子婚禮跪四

東質清弱氣體未充况皇后年在妙冲又優遭不諱

皇三子皇五子年歲稍長侍分封之日可看出閣講書 親近儒臣朝夕訓誨以附蒙塞禮部知道飲此欽遵臣 眷事不若亦於二宮完日一並加冠分封底免煩擾內 冊立並加冠禮少候二宫落成之日行朕又思三皇子 子龄已過期體己充足爾該部便具選婚舊儀來看其 五皇子六皇子七皇子俱已長成若再少待恐又費一 大行皇姚之服已滿雖無三殿其二宮不日落成皇長 大難故不得已遲緩少俟耳非有別意亂危家國昨者

欠已可見在馬

淡然軒集

等隨查大明會典大明集禮諸書但載皇太子納采問 文光禄寺備祭品如儀一請欽遣司禮監官二員給與 俟選有淑女之後容臣等開注上請今先將選婚合行 名以後諸儀其選婚售儀未經開載竊惟納采等六禮 報名在官以俟選擇一行欽天監選擇遣官選婚吉期 民人等有女子年十四至十六容貌端莊性資純美者 事宜酌議開列恭候聖裁計開一請聖諭一道脫諭官 先期還官以皇長子選婚告奉先殿行翰林院撰告

金分正月八月

次已日長 在 一 内外官民之家先將淑女花名報官侍選次咨都察院 身家有無違礙具揭報部轉送司禮監查照仍行欽天 中淑女令其父母伴送到京所在有司給與應付脚力 地方官預將淑女報官以待遣官次第選擇一各處選 轉行直隷八府並河南山東南京鳳陽淮安徐州等處 王館選擇一諸王館選中女子恭候命下備查各父母 **物書二道以便行事一本部遊奉聖諭出榜張掛京城** 一各官開送到日本部照例題請欽命司禮監官赴諸 淡然軒集

刷選 選其鳳陽准安徐州免其刷選欽此已經出榜曉諭及 為欽奉聖諭事先該臣等開具皇長子選婚事宜上請 東八府及南京河南山東刷選其鳳陽淮安徐州免其 奉聖古是其選淑女着在東八府及南京河南山東利 監擇吉具題進內看選恭候飲定命下施行一行各該 衙門先期備辦婚禮合用物料奉旨是其選淑女看在 皇長子婚禮版五

金分世上と言

遣官前去選擇等因前來所有原奉欽依欽遣司禮監 官二員伏乞欽定給與物書二道分投前去各該地方 選淑女自着在京城内外及東八府差官 刷選南京河 選擇終係欽奉聖諭事理未敢擅便謹題請古奉肯例 年十二月十三日卯時遣官祭告奉先殷十六日午時 通行各該衙門欽遵外今據欽天監手本朋稱擇到本 南山東罷寫勑與他 皇長子好禮疏六

九三日司 三十百

淡然軒集

金月四月百言 轉行五城御史及裏八府令將官民之家逐一用心體 淑女名氏造册呈送到部料八府淑女亦應節次報官 罷寫勃與他欽此欽遵臣等即通行曉諭移咨都察院 白着在京城內外及裏八府差官刷選南京河南山東 九日題請飲遣司禮監官倒選淑女奉聖古刷選淑女 為飲奉聖諭事先該臣等於萬歷二十六年十二月初 伏乞欽命司禮監官二員先自京城次及襄八府 分投 訪以副皇上慎重大禮之意今據中兵馬等司開報各

遣司禮監官將五城報到淑女先行刷選次及裏八府 報前來以憑題請差官前住選擇續處真定府於本年 等因奉聖肯京城淑女少侍裏八府報到之日一併差 古京城淑女少待裏八府報到之日一併差官例選 選擇緣係欽奉聖諭事理臣等未敢擅便謹題請古奉 為飲奉聖諭事先該臣等於本年二月初八日題請欽 官刷選欽此已經劄行各府將報名在官淑女造册開 皇長子婚禮疏七

欠已日長日野

淡热軒集

三月初五日呈報淑女一十八名順德府於本月初七 乞欽遣司禮監官領物前來將五城及裏八府報名淑 本月三十日呈報淑女二十八名廣平府於四月初十 十七名保定府於本月二十一日呈報淑女一百七名 女三十七名順天府於本月十四日呈報淑女一百四 日呈報淑女二十四名大名府於本月初九日呈報淑 日呈報淑女三十一名各文册俱已到部相應題請伏 永平府於本月二十二日呈報淑女十五名河間府於

在文世人人

臣等未敢擅便謹題請古不報 女一併選擇務得淑賢以光大禮緣係欽奉聖諭事理

皇長子婚禮跪八

奉明古大小臣工不能無疑多向臣言欲各其跪催請 以釋羣疑事臣等因淑女報名在部两次題請遣官未 為選婚候青日久未報態乞聖明發賜遣官以昭大信

火已日長日 奏紛紛不無煩擾不若臣等循職掌虔誠中懇我皇上 者臣等伏念我皇上方以愛旱祈禱焦思動火若復章 \*\*\* 凌然軒集 里

至聖至明知時之不可再遲禮之不可再緩必有毅然 子神孫萬世遵行而不越耳皇長子齊龄今己十八越 允行者矣况我祖宗家法以十五歲選婚十六歲成婚 期亦二載矣皇上天性至愛與列聖同符可獨深愛之 非無謂也盖以人年十六則情竇日開防閉日難是以 其後今諸皇子已漸長成以次當婚矣不知至期將從 而不深體之即况人主舉事不但你法乎前尚當顧處 欲保受其體尤欲曲體其情故立此一定之制仰聖

金がんにんとこと

圣一

た月日日本言 · 智禮儀非數月不能開熟比及開熟两宫已告成矣此 家之情為嗣續之計父母之心不約而同豈以我皇上 願以行麟趾之祥也况及今刷選得人猶須接舊制演 見皇長子之氣體日充而不思查得住婦以遂關雅之 舊制情恐有難於或異欲如今日勢恐有難於盡同不 之家睹其子之成立即至貧寒者猶思稱貸以遂其室 知皇上於清夜燕間之暇亦曾念及於此否也今士成 十六成婚之舊制乎抑十八尚爾延緩如今日乎欲如 泛然軒集 里

時若再稽運豈不有悮明諭三禮並行之期臣等典禮 之心臣等曷勝倦倦祈慰之至二十七年閏四月十七 使及時選擇上以完國家吉慶之典下以釋臣民猜疑 淑女京城的着司禮監太監宋坤八府着司禮監監官 日上二十日傳奉聖諭昨禮部奏京城並裏八府報到 回而未回皆是屯膏之象伏望皇上斷自辰表特遣中 之臣何所逃罪且在冊淑女嫁既不敢選又無期不無 **喁喁仰望之心今連日風霾雨澤欲降而不降天心欲** 

金以正月子言

邱從仁各供事該部知道 皇長子婚禮疏九

為遵明諭循職掌懇乞申飭督理諸臣早完大工以舉 大禮事萬歷二十六年十一月二十七日臣等於文華

清弱氣體未充况皇后年在妙沖又優遭不諱大難故 不得已遲緩少俟耳非有别意亂危國家非者大行皇 門接出聖諭朕惟册立分封東宫及諸親王此乃祖宗 訓章大典嫡庶長幼一定自有次序緣因皇長子禀質

危國

次已四年公告!

淡然軒集

昌君

皇五子年歲稍長待分封之日可看出閣講書親近儒 於二宮落成而曰不日非謂以歲月期也於皇長子而 若亦於二官完日一並加冠分封展免煩擾內皇三子 六皇子七皇子俱已長成若再少待恐又費一番事不 加冠禮少侯二宮落成之日行朕又思三皇子五皇子 臣朝夕訓誨以開蒙塞禮部知道欽此臣等恭釋綸音 過期體已充足爾該部便具選婚舊儀來者其册立並

自りにんと言

**她之服已滿錐無三殿其二宫不日落成皇長子齡已** 

上早還御一日早行册立之禮以培宗社之安早奉婚 媾之儀以衍本夫之慶且諸皇子早得分封各具危服 諭在工諸臣上緊督理催造使工程早完一日則我皇 待明春則二宮之落成豈但不日而皇長子之年齡益 見两宫雖有次第尚須修飾今天氣漸寒若再耽延又 復過期何以慰我皇上明旨所云少待之心乎伏乞嚴 曰幽已過期亦非謂可以歲月待也乃自奉諭之後又 一年矣淑女之選己欽定矣臣等每隨諸臣閱視工程

たろうなか

淡然軒集

四五

以重邦禮事本月初十日該吏部題為南北大僚多 趙煥改南京吏部尚書郝杰改南京兵部尚書恭替機 治安事奉聖古陳渠隆戸部尚書余繼登隆禮部尚書 臣民同數同樂之至願也疏入不報 隨皇長子趨拜於前此宫圍極歡極樂之盛事而普天 **缺會推候青日久態乞聖明亟賜點用以全國體以圖** 為其常思命自揣難勝怨乞聖慈俯容解免以安愚分 辭尚書疏

金月四月百言

次戶四百十三十 皇上以两年不輕授人之宗伯而舉以界臣員以臣尚 堪驅策冀郊鉛刀一割之用乎臣近年以來氣血因多 病而日耗精神緣久病而日喪特以承之署事未敢乞 犬馬之心毫無啓沃之益曠官奚補竊禄足羞不意我 性資又復迁拙荷蒙皇上拔置講惟十有一年矣空懷 京兵部右侍即未點的另推來欽此臣繼登不勝感激 不勝惶懼伏念臣窮鄉下士弱植淺夷學術原自空疎 務寫勑與他禁向高隆南京禮部右侍郎臧惟一隆南 淡然軒集 四十六

在りいたと言 臣間德薄而位高者危力小而任重者仆與其既危既 震人變物好踵報叠至人神怨恫禮樂廢壞風俗薄惡 仆然後從陛下乞有罪之身孰若知止知足查自控辭 得之能自安乎且宗伯班高南省主典神人今天災地 臣以資則先於臣以望則重於臣而臣獨以寡昧之才 身勉強目前已慮不支冒進崇階益復難任况同推諸 於君父之前也伏乞皇上俯鑒愚衷收回成命俾臣仍 教化陵夷此何等時而可以不肖之臣肩三禮之任哉  欠日日日 白生 辭吏部知道 醇講惟著續簡司邦禮出自朕東宜遵成命供職不准 臣審己之素臣曷勝倦切仰祈之至奉聖肯卿器重學 以舊職勉効馳驅展上不傷陛下知人之明下亦遂愚 淡然軒集 四七

淡然軒集卷一		and the second			金岁口周子是
卷一					卷一
			-		

欽定四庫

**马集部** 

詳校官典籍臣潘奕雋 侍讀臣孫球覆勘

校總 對官助校官知 **腾録監生臣吳** 教臣沈縣臣繆

靖

培

琪

次已马上百七日 物無一日不願望見乎天人主覆情羣工故羣工無 請朝賀疏 增聖壽恭請聖駕臨御以伸臣子萬祝 人主之尊即天也天覆情萬物故萬 淡然軒集 明 余繼登 撰

矣乃以時漸溽暑又復輕報今聖壽之期正值中秋之 在ケビルノコモ 為静攝之效如此由此可望以時御門復視朝之舊典 臣工仰瞻聖體充和選聆聖音清遠莫不權竹讃領以 成順儀即萬壽朝賀亦皆傳免然日静攝則安養為重 不敢以禮文而輕勞起居也自我皇上御樓受俘大小 山航海而至者咸思快睹天顔拜舞祝頌於廷伏望皇 候不追不寒至清至爽天下諸司暨四裔朝賀使臣梯 日不願望見人主從皇上深居以來無論常朝之規己

於足四事 全哲 為景奏灾異事祠祭清吏司案呈節奉本部送禮科抄 呼歌詠誦勵精之志如日方升祝岡陵之壽與天同久 私則於聖躬未為甚勞而傳之郡國以及蠻貊無不惟 出巡撫寧夏等處地方賛理軍務都察院右副都御史 楊將寧題稱寧夏衛於本年正月初五日已初二刻地 上至期一御文華殿朝見羣臣伴得遂其瞻天祀聖之 年終彙奏灾異疏 淡然軒集

等處地方都察院右發都御史尹應元等題稱登州府 震有聲從西北方動起往東南方去說又該巡撫山東 稱漳州府於本年正月十六日樂局內不知何故響震 分此震房屋搖動又該巡按福建監察御史徐兆閱題 起東南而落福山縣萊陽縣亦於正月初八日午未時 北而落二十一日寅時地震有聲房屋摇動自西北而 文登縣於本年正月初八日末時地震自東南而起西 | 聲局內火樂一萬零八百斤盡從聲中燒去局有|

白ラリ

欠日日日日日 潘一元督造鳥鼓等器於本年二月十四日辰時在爐 倭都察院右僉都御史張思忠題稱海州恭將營中軍 氏房屋五十六間盡倒壓死男婦連前三人共二十九 名口傷者更多又該巡撫遼東地方發理軍務热管備 並菜巷陳舉人書房長三尺半厚八寸一落吳儒士家 正行打造內鳥氫一杆寫有大聲至午時方止錦州大 長四尺厚一尺樂局碎毀看樂三人屍飛局外周圍居 枯井己久不用上有二大石盖壓亦飛三百餘步一落 淡然軒集

金り口月月日 鎮遠臺於本年三月初九日夜一更時分本臺標杆三 書無都察院右副都御史邢玠等題稱寧遠與水縣堡 衙門司禮監太監等官那隆等題稱金川門馬草場於 九日酉時分韓杆上起火間有響聲又該南京守備等 起火齊鳴又沙河堡狄家臺根木衝堡黄土臺俱於初 根項上起火齊鳴初十日午時孤山臺新石衛臺操杆 起火許久方落又該總督薊遼保定等處軍務兵部尚 福堡於本年三月初九日成時城門上東西韓杆項上

察院右愈都御史尹應元等題稱兖州府委千戶高鎮 餘聲又該巡撫山東等處地方督理營田提督軍務都 撫甘蘭等處地方發理軍務都察院右都御史無兵部 然起火將經手馬草一堆計五萬盡行燒毀乱又該巡 速等監造軍器有鐵匠李彦引等爐內打造神館已成 日成時分本城東門樓大鐘連鳴三陣每陣約有十數 本年三月十五日外時大雨雷電交作本場草堆上突 左侍即田樂題稱西寧道古浪地方於本年五月初六

欧定马車全書 1

淡然軒集

有りに人と言 特地震浮山縣於七月初一日未時地震有聲如雷自 時地震自西北起東南去有聲滿州於六月十五日寅 震從西北來東南去微聲河津縣於五月二十五日未 等題稱平陽府臨汾縣於本年五月二十三日申時地 門等關照巡撫山西地方都察院右僉都御史魏乞貞 然有聲取出用錘打造其爐猶鳴三刻方止六月十 於本年五月十七日入 爐煆光至本日未時分爐內 日未時省城地震自東南起往西北去記又該提督惟

次定马巨白馬 **飲都御史劉元霖題稱紹與府蕭山縣明月坊居民賈** 未燒煅又該提督軍務巡撫浙江等處地方都察院石 府喜董四十一號臺上層東角雷震一聲火光大作將 神器房獨散火樂人箭盡數喷出炸倒牆垛其木料俱 右副都御史李順題稱喜客路於本年六月十七日午 處邊備無巡撫順天等府地方兵部左侍即無都察院 大經家於本年六月二十九日起更時分竈前並水閣 東北來西南去並無搖動官民房屋又該整飭前州等 淡然軒集

河水漲縣治被淹士民俱避於限上又該巡撫大同地 生に人にんる言 方發理軍務都察院右副都御史房守士等題稱大同 史楊一題等題稱碭山縣於本年七月二十八日因黄 務煎管漕運太子少保工部尚書魚都察院右副都御 板上約二三升之數一刻方止又該總理河道提督軍 出血一搭樓板亦透血三四處酒開血點無數凝於樓 地下者約血一二升之數又於中堂香火前地板上亦 板上透出鮮血約高尺許酒開血跡拾數處凝於板上

沙色四百人 遠近軍民史景鶴等九名口震傷男婦王保等二十五 塌鄰近官民房屋一百二十六間震死宗室充熒一位 盛火樂九千一百五十一斤三两樂線三萬七千一百 八百七十四斤一十二两絲毫未動満城房屋動搖震 一十一根盡數飛化無存本庫竹窶内盛貯硫黄一千 升 天自辰至己方散並無火光烟臭將磁缸一百箇内 雷將庫頂五間擊碎號五亂飛牆壁一並翻裂傾倒黑氣 鎮神機庫於本年九月初九日長時忽從庫內響聲如 淡然軒集

臺齊救不及將个樓火樂人箭燒繳館砲鉛子等器見 知道飲此飲遵陸續抄出到部送司案候在卷今照年 在軍兵人口俱各無傷等因節奉聖古禮部知道該部 震地即將旗杆刮折樓內上層火光四出隨有左右鄰 十六日午時天降大雪霧從西北樓角旋風大作響聲 順等題稱喜峯路琵琶稍六十四號臺忽於本年十月 順天等府地方兵部左侍郎無都察院右副都御史李 名口庫内地基陷裂义該整的創州等處邊備無巡撫 欠已日 日日 豈呈上所為格天之道不在於脩省之虚文歌書曰天 視自我民視天聽自我民聽天之高遠也而視聽皆寄 格為最速刀類奏之章無歲不上諭戒之首無歲不下 宗子惟天於皇上其仁愛為最深亦惟皇上於天其感 之職今尚書經歲缺人臣等消弭無術灾異之來明示 終相應一併類奏案呈到部臣等切惟和治神人宗伯 而今歲四方所報二氣奸錯之状視住歲殆有甚馬者 失職之咎敢不思各省躬勉自策勵復思皇上為天之 淡然軒集

金与四月石書 欝為無聊無聊之民易動難安昔漢臣徐樂以民困而 矣又加以早膜之灾十室九空萬一有揭竿斬木之夫 主不惜下怨而上不知為有國者之大戒今民之苦極 者各欲以情仰訴於皇上而不可得計惟有仰天而訴 東之而起易動之勢一呼百應誠可寒心故臣等每接 **耳天不言故出此變異以告陛下也夫人情愁苦之極** 於民是民者弱而不可忽者也今近自畿輔遠及郡國 百姓之苦於徵調苦於惟椎苦於織造苦於開採之類

小臣工以爱民之實心為應天之實事事有便於民者 子民足君足之言深察相關之義當此優端之候共存 **閣而不報 釋大學入悖出悖之吉勿倡施奪之風體有** 明知之明與與之有不便於民者明知之明與除之下 奏 報寢食不寧若尚欲修舉故事泄泄然以空言而囬 勿過競乎上有所顧忌而不言上勿過疑乎下有所緩 天意豈不難哉伏望皇上敬天之怒畏天之威勒下大

大いりしていから

寬恤之心仰四海九州各安田里而無嘆息愁苦之

淡然軒集

則人心悅豫天意感通有不及灾為祥者臣等請服欺 金丘に人ろう 修職以祈時和民安毋事虚文 深用驚惕你每各衙門大小臣工都要痛加修省盡心 罔之罪矣歲所上繁詞套語皆皇上所厭聞者故臣等 不敢復瀆宸聰敬以天人相與之說進惟聖明留意馬 為播首猖獗益甚蜀地殘破可虞懇乞聖明慰民心寬 ·聖吉今年灾县頻仍狀覽類奏仰承上天仁愛之意 止礦稅疏

欠已日日白日 率苗蠻深入内地至於攻屠邑城殺戮将士此必有川 忌耳維此小民皆陛下之赤子也不為朝廷用以討逆 應龍最爾小醜即數年肆虐未敢遠離巢穴乃一旦親 陷綦江縣城遊擊等官盡皆殺死等因臣等不勝驚敗 民力以佐兵食以保方問事臣等昨接邱報見四川巡 賊 而反為賊用此宣樂於從逆哉盖蜀之民苦極矣採 中小民為之嚮導為之内應者故敢使羽翼而狂逞無 按御史趙標報稱六月二十一日楊應龍提兵八萬攻 淡然軒集

之苦椎税則有搜括之苦攘奪之苦皇上以為不恐加 木 則有砍伐之苦拽運之苦採礦則有供給之苦賠累 財貨不流物價沸騰則百姓困敝京師且然何况退方 砂不足不得不求足於民故歲進之礦銀什七皆小民之 派於民而姑取之於地也不知人固愛財地亦愛寶礦 為不恐加派於民而姑取之商賈也不知商賈不通則 脂膏而差官之私裳不與馬此勢之必至者也皇上以 此又勢之必至者也愚民何知既已丧其樂生之心計

年月に見る言

欠こうるここう 之廣西雲南湖廣諸省而兵政廢弛之久所在無兵若 聲恐喝也勢必須兵兵行必須的今何處徵兵乎欲調 之贵州而贵州已敗傷矣欲調之陝西而强敵積怨日 破重慶之危急必不肯坐視而不救夫救急非可以虛 不忘報私島馬肥防禦為急顧此失被恐非完計欲調 強悍而又益以無聊之民則其勢日盛蜀民久已怨恨 而况附彼方張之冠則其毒日深今陛下間綦江之殘 無所之遂謂不若從賦或可延旦夕之命耳楊酋性本 淡然軒集

金好四月五十 沿途之生事而乃欲仗之以成事即艇亦自知其不可 之兵則劉艇所將半多楊姓恐皆逆族且艇不能禁其 思亂之民而復加以重征之擾是為楊酋歐氏也故我 則處處開礦處屬抽稅民生處處應悴民心處處悲愁 府庫空虚問里蕭條公私無遺上下俱因欲取之隣省 辦之需萬千無指年例之發什九未給欲取之本省而 其以病告非得已也又何處得的乎欲發之官帑而買 驅烏合之兵以救然眉之急未有能濟者也欲俟東征

欠三百百八十 黨與停止四川之發稅取回原遣之官民使開山鑿石 氣散騰既喜轉禍义幸更生將人自為戰家與為敵或 兵之費寬我無知之衆赦其脅從之誅則羣情慰悅士 之臣以便宜然無米而炊難望療餓徒手而搏難以赴 關此亦 聖明之所 洞見也夫兵非天降飼非神輸守民 皇上即日責福臣以發兵日責計臣以轉鉤日假督撫 力之所為也為今之計莫若收拾我之人心解散賊之 一董盡為稱干比戈之徒賠礦給稅之餘悉佐秣馬屬 **淡然軒集** 

金分四月石書 綦江而已且古之禦冤者嘗不足而示之以有餘故虞 上方將指數十百萬之鉤以救此方之倒懸而何愛於 空之如是豈不益生輕侮之心益肆憑陵之志哉且皇 而開礦明日以匱乏而抽稅彼敵人間之將謂中國果 其絡繹道途潜伏都城者不知其幾而我今日以匱之 訊增竈道濟量沙今敵人不惜金帛以約結中國之人 數萬之礦稅况皇上自念贵州方用兵免其推稅今四 可少須時日以俟大兵之集乎不然恐目前之禍不止

欠日百百 公前 道泰人心正則尚行世道否人心邪則尚言是以孔子 送禮科抄出南京通政使司通政使楊持喬題臣聞世 谕關邪説以維世道人心事儀制清吏司案呈奉本部 也臣等書生不知兵事主愛臣辱故敢獻其愚慮如此 伏與俯賜留神地方幸甚臣民幸甚 為文體日壞士習漸移怨祈教諭儒臣申明祖制尊聖 川屠戮之悿危亡之状豈但貴州知聖慈必為之動念 瘦楊止巷筑 凌然軒集

守静專氣致柔為功其後流於燒煉採取飛昇符何則 子與孔子同時未必的乃其説指人身玄牝為竅致虚 孟子以 作心害政作政害事等於洪水猛獸闢之然此 墨慕孔子為儒者師不知仁義之理以為我兼愛為言 果慈悲福田利益其後指人心虚靈為竅单傳直指見 老氏以為外道者也漢後佛氏與其說主戒律輪廻因 其為害猶在外不關心身似於淺近闢之無難家語光 致知躬行先行後言為學以理言道別無斯奇異說楊

惑,庸衆自单傳直指一入則賢智高明者先惑深信然 輪廻因果福益恒至於須身敗國此其為害亦粗淺能 たこりうとき 理而大亂真者也凡漢唐宋君臣感於飛昇燒煉採取 家國天下之功與孔子異宋儒所謂以之養生愈疾則 向於内求養生者得之收攝心身其實無修身存心治 可以之為道則不可若以為道則所為似是而非彌近 性成佛作上東不修善不為惡無障碍無人我相為功 視前戒律諸法則釋氏以為外道者也自二説與人反 淡然軒集

易簡直提宋儒程顏程順張載朱熹慶之始力闢之程 面說向儒家其後則有恭宗果徒得光单傳直指忽悟 子語文其說至宋張九成恭釋宗果禪始有欲改頭換 順表章六經四書 朱熹註之傳註者自孔子傳周易彖 此心之無所不通遂以一悟入聖不俟修為階級最稱 猶幸其學老者名老氏學禪者名釋氏不與儒者混為 辭 象 辭始朱子法之一隨 其原文章句之原字解釋之 途又推尊孔子在二氏上不敢以敵言又不敢借孔

金分正月子言

養生悟二氏之說竟如所謂改頭換面說向儒家者顧 章及科武文字皆渾厚正大可謂盛矣正嘉間始有因 數十餘 年議論正道德一風俗美紀綱肅士人發為文 亦居於方外令其於山林焚修不與於名教以故二百 帝首集經書大全羽翼傳註令士非此不言不行九有 洪惟我太祖高皇帝首以傳註頌庠序訓士成祖文皇 明其首趣非别立一意如今時驅聖言以就己意者也 一言一行及於光禪者即不録即有釋老之宮之人則

たろうらいろう

淡然軒集

古

**光在孔子上直擔入於文章如科舉文字者又以傳註** 歸於禪光後學皆不以經書為本領內則心無所主外 階級以知為道與氣心知即是不事躬行衛理一切皆 為支離而其言惟以請為學會衆聚徒即是不事修為 猶言孔子不敢直認為釋老而亦未常以其說機入於 慶 者 今諸士皆從 幼學時誦習傳註先入漸摩者尚正 則其言不歸於禪光則歸於莊列子史文體遂壞矣所 文章數年來始有直以釋光之說為孔子之說又以禪

金片四月至言

久巴日日日日 奇樂 異者東亦清本澄源者未講也臣謂清本澄源者 戊戌 鄉會試諸臣試録前後序皆言此意欲尊孔子闢 蒙聖諭勒下改正仰見邁祖制崇聖訓至意作丁酉今 則以先進者後學傳習之師世教者使民與行之機茲 者歷年禮臣題覆科道部寺諸臣屢疏正文體端士習 空外發於文行於政事者皆空文字亦空流樂有難言 邪說猶未見士子翕然信從則新奇異說方與喜新好 猶之不差自今不習傳註為並後數十年將有內而心 淡然軒集

為聖學方士禪流尊為教師臣皆慕其風度且善養生 燒煉採取飛昇僧玄覺談因果福益尤精於单傳直指 顏鈞其志行相似世稱理學養生師事方士胡清虛談 稱才士性度温和寬厚與物無忤世稱長者早講學師事 人心見性成佛上東以慈悲不計校無障碍無我人相 無論他所即今南都所稱先進世教有大可慨者則原 任恭政羅汝芳是也汝芳臣鄉先達聰明才辨英發世 愈疾及間其守寧國日集諸生會文講學民訟者至則

金気でたる

たかうらんはり **薄之及後守東昌恭政雲南置印公堂任吏書門役共 泰論凡 政務法紀悉寬吏書通同為好船害華簷於時** 用票牌混發百獎以生費捧入都則科道交童論之及 臣里親監生戴珍為南陵縣丞初官被訪珍以金帶篋 之僧道徒歸之不吝庫藏里甲供的餽贈故歸者如市 及庫藏侵缺推官李惟觀征里甲代價撫按謝登之等 銀鰓贈即受而服之珍固感之每為臣言臣心偕里人 令其趺跏公庭飲目觀心學佛自慈悲為善一時士悦 淡然軒集

所 其徒稱為聖之和江省撫按訪問地方人才於参議 見即出於時名賢如周世選為通政李三才為主事親 終南山日寄書至子從丹師斃於廣自言其日左右欲 希摯每見士夫輒言三十三天憑指箕仙稱吕純陽自 歸請托上官先後名守沈子木林 经許学速前令黄道 聞之脫與藩府假逐飲食致譽甘草将楊州處聲樂之 徐用檢乃講學心交則以混於聲色報為議王問臣從 年以其煩數厭之將南都諸臣尊禮當以私干尚書傳

金万四母至書

卷二

にこりうとう 愛老和光同塵釋慈悲不著相又輕施好奪違道干譽 成佛。監聖敢以禪學在孔子上究其歸則楊墨為我無 子言仁孝言心性實則專於燒煉採取直指人心見性 忽世有以理學臣刻録者既非其行即所謂學亦借孔 正孔孟之所深闢者也特以於養生有可取爾今天下 将談玄則以有民訟之報儒臣羅洪先者移書非之節 好言養生因其以養生即為聖學其說自由自便其功 元錫痛哭規之見存也江省名賢録至不公者亦不録 淡然軒集

學者亦以利心向之利勢相尚士習漸移文體益壞漸 易簡直提不待於孔子修德改過徙義工夫一講即在 為土苴以清議公論為妄語宋儒所謂本以利心得來 此有學行者甚衆必不為所誤特恐此說一起將來者 以祖述憲章名之作為文字刻之南都士大夫居此官 孔子上所以世或從之近南都有稱之為師作祠祀之 持以賄賂干請為通達黨同代異為輔仁以行誼禮節 不知而門戶開標榜立將任情與為悅樂執意見為操

一起 好四母全書

講學惟遵孔子為科式文字惟遵傳註若以養生為老 賢可問也前此無按科道諸臣恭疏在省掖者可查也 乃臣又有僣陳焉孔子之教本與老釋異趣請今諸臣 部左侍郎許孚遠大理寺少卿李三才寺丞張鳴岡皆 則道不見之誼言之顏臣言輕微不足信舊在南京兵 世所謂理學者大非忠厚頗為世道人心計竊附不直 也臣至卑下素矢天日不敢輕出一言議一人乃言及 入清談後難拯維凡有識者皆懼之而主此說者不顧

大小可能上海

淡然軒集

與釋光各不相混一斯聖祖崇聖訓闢邪說初制可復 世道正人心而所指清本澄源者在闢邪説所指為邪 送司案呈到部者得南京通政使楊時喬所疏大意在維 敢自恕也等因奉聖古禮部知道欽此欽遵抄出到部 天下皆知尚躬行不尚空言世道人心以維也惟在 張九成者談禪而不混於儒亦可法者也如此乃孔子 敖下禮部一申明之間爾若臣鄙妄無所逃罪又不

金兵四月百言

則日老釋則曰釋若唐宋名臣哲士裴休富弼劉器之

代三日日から 說之魁者則原任恭政羅汝芳也汝芳於萬歷五年講 庠序學校之教亦不越此孔子萬世帝王之師所以告 學於都城之外為科道所刻我皇上褫其職令致仕去 **竞舜在上契為司徒所為教民者人倫而己三代选與** 有感而為此疏今汝芳已紀無可論者但疏中闢邪崇 **辄建祠於南京都會之地招集徒衆哆口肆談故時喬** 矣不意其徒目之為聖人尊之在孔子之上不俟奏請 正之論有關世道臣等敢竟其說惟陛下裁擇馬竊惟 淡然軒集

一爱而闢之我太祖法古帝王與道致治既設太學以教 奇周末楊墨之言始盈天下孟軻憂而闢之唐尚佛老韓 達德修身治人治天下國家之常經實理實行原無他 適從頒布經書集註於學宮俾之講習我成祖復擇諸 於京師設鄉學以教於天下又懼學者感於異說無所 君者不過君臣父子夫婦兄弟朋友之達道知仁勇之 儒論說有裡聖經者簽為大全以羽翼之故成弘以前 愈憂而闢之宋有单傳直指一悟入聖之論程朱諸儒

免好四月在書

實踐為过展謂人偷物理為幻妄謂紀網法度為極格謂 欠己的自己言 得名欲利則得利以是智愚賢不肖靡然景從所至千 學者各守其師説而無說異之談仕者各守其官箴而 者多往從之一入其門則共相将揚共相推挽欲名則 無說異之行心志既定邪偽難惑正德之未始有倡為 **異學者大點用佛氏之微言以愚惑人耳目 厭常喜新** 無所障礙公然謂傳註為支離謂經書為糟粕謂躬行 百為な高談測論曰吾學直提不煩修為曰吾道廣大 R 淡然軒集

金月山月石書 **荡檢喻開皆為率性總謂無傷及道亂使敗俗傷化此** 禮義應恥為虛偽惟一了此心則市金可攫處子可摟 輩習為設影壞人心術與日逢世不以空言塞責即以 宜有此大蠹且今天下兵日弱財日匱民日窮法紀日 弛政事日廢正賴真質任事之臣振飭而維持之而此 止遂使二祖所表章者幾為偽學所廢閣聖明之世豈 入於講義或明入於文章名日新說諭之不從禁之不 正古人所必關者而新學小生轉益信從崇尚之或雜

大王り日本は 但有 罷閑官員山人方士學佛學仙者聽其於山林空 祠宇在於何處即為拆毀勿誤後人仍移文都察院轉 候命下容臣等移文南京禮工二部查時喬所指私建 虚文 罔上欲 其修政立事任重致遠胡可得哉臣等職 即行驅逐其不由撫按具題擅立書院祠宇者即行禁 寂之處各修其業有於通都大邑中聚徒至數十人者 行直隸提學御史及各該巡按編行各提學官地方中 司教化每切隱憂詳特喬所疏服其有見敢此覆請恭 淡然軒集

金岁世月五百十 效矣 學自明士心既定士習自端國家將來或可收得人之 純正典雅者童儒仍用新說者不准入學生員仍用新 說者徑自點革至於鄉試會試行文知會一體遊行有 疑諸書各闡理道勿標禪機提學校文務取不肯經義 行文務依二祖所頌示集註大全為主而緣以蒙引存 仍前不遵者容臣部及該科指實忝治庶異說漸熄聖 併禁坊間所刻離經叛道新說諸書不許鬻賣士子

戒備以保疆場以弭天變事祠祭清吏司案呈奉本部 使荆州俊呈據臨洮府呈本月二十日據秋道縣申稱本 送准巡撫陝西等處地方發理軍務都察院右都御史 楷會稿萬思二十七年八月三十日據臨鞏兵備道副 無兵部右侍郎賈侍問咨稱該巡按陕西監察御史吳 為邊鎮孤懸灾兆異常怨乞聖明預飭文武邊臣修省 . . . . . . . 月十八日城東五里地名毛家坡官路北山高二百餘 陜西山異疏 1.1.1 炎紙軒集 Ī

敬定四库全書 民耕地忽湧出大小山五座約高二十餘丈等情到府 大午時崩裂一半長一里其下衝成一溝山南舊有居 該知府王曰然即親詣其地拘集土民問其緣由有本 呈到職職一見之不勝駁愕夫山主於靜動且非宜况 遂有此變緣係異常災異理合呈報緣由到道等因轉 如雷稍稍又間有鼓樂之音如此者十數夜至十八日 地居民吐稱未崩之先每夜山下火光四出其內有聲 於崩乎又况髙者陷入於地而早者湧出為山乎考之

卷二

**俊誠可惶懼且臨洮何地也客通邊方番民雜處土婚** 大門可亞人子丁 率逃贏似此災異非常其患不淺等因會稱到職案查 載籍沙鹿兆變應在於韓之役陵谷變遷詩憫四周之 先據該道呈報前來會題間今准前因該職會同巡按 既多逋負今且無市而徴稅無洞而包礦民情洶滷相 風寒五穀少植加之以災沴頻仍民不堪命正項錢糧 衰陷咎徵也方今聖明在上宜複祥叠見而顧有此咎 陕西監察御史吴楷議照變不虛生灾必有應兆鎮北 淡然軒集

虚幻世月石書 大割蓄慎必深其王之來豈真送佛僧哉善後計當早 接松山西衝邊繳近開敵人窺何為謀叵測往雖仰仗 圆見 灾尤宜省懼除職等痛自修省及嚴行各該將吏 天威掃空松山大獲奇提然和雙被到每懷報復經此 乞聖明較念邊方災民特罷礦稅以蘇于遺無歐而資 奉行惟謹或可以消灾變於無形而保疆場於孔固再 更加戒備外伏乞勅下兵部議請天語申飭大小邊臣 、此允職等之上願也為此除具題外理合移咨查

鄉忽湧山出髙二十餘丈此其谷應載在史冊我皇上 雷震擊火光時發太白晝見甚且經天此天氣不和之 所明知也說者謂天氣不和而寒暑隔人氣不和而贅 **異之應恐不止陝西之一隅而消弭之道恐不止邊備 照施行等因到部送司案呈到部臣等不勝驚愕此變** 極矣鑿山開礦裂地求砂坤元苞孕之氣發洩而無餘 疣生地氣不和而堆阜出方今星躔失度水旱降灾迅 事也臣等稽之往牒惟唐垂拱二年新豐縣處臺 炎抵軒集 古四

一致定匹庫全書 之極矣問問窮因復加之以必不能止之誅求帑藏空 金不能生水而川竭坤不能奠維而地震此地氣不和 造化含蓄之精流鍊而不韞以至地不能固脉而山崩 之中使鴟張徒後枕藉於巉孍流離悲號於道路民命 虚 復責之以必不 能供之珍寳言利之小人蟻 聚剥民 鏑都城之姦細潜伏畿輔之盗賊公行職者寒心忠言 危如累卵世變紛如亂絲東師未起瘡疾西蜀復遭鋒 耳中外太隅上下不交此人氣不和之極矣戾氣凝

欠已写真在書 一 子之誠不能動君父故言愈數而聽愈厭陛下者天之 所屬言者特陛下不垂清聽耳羣臣者陛下之子也臣 揭竿起而與國家為難者夫天下幸無事耳一旦有事 忽起而成山陵谷變遷髙卑易位是陰乗陽邪干正下 則藏怒蓄忿之民易動土崩瓦解之勢立成是皆羣臣 叛上之象推理度勢必將有草野好雄乗民之怨斬木 也夫山者高而在上地者卑而在下山忽崩而成溝地 而不散怨毒結而成形無怪乎贅疣堆阜之突然而出 淡然軒集

害以譴告之不知自省入出怪異以警懼之尚不知變 乎漢臣董仲舒有言國家將有失道之敗天乃先出灾 子也天以此非常之變感悟陛下尚可恬然不以為意 之本恐難割之欲察導設之好蠲無藝之征罷流毒之 而傷敗乃至此天心仁爱人君而欲止其亂也伏願陛 然後勅下臣工共加修省俾各守正奉公輸忠報主安 使擴轉圖之度備臺諫之員通臣民之情開壅關之路 下體仁爱之心切傷敗之懼急為社稷之圖早建國家

次已可与在自 晚收拾甚難勿罪臣等今日不言也 遵行事臣等近年以來屡承諭肯有曰皇長子齡已過 為陽律己回普天稱慶仰怨聖慈明示大禮吉期以便 之日展乎豫悦人心轉回天意若復泄泄然以天變為 期 體已充足者有曰擇吉冠中與婚節同行者有曰其 民厚下積餉線兵率綢繆於未事之先勿問章於多事 不足畏人言為不足惜恐天怒人離變故百出追悔己 皇長子大禮公疏 淡然軒集 チス

禮必於春府而欲行冠婚以正始必先冊立以正名由 制揆之明諭有萬萬不容再緩者盖祖宗以來举行婚 大工又暫停矣今兹一陽來復歲序將新臣等稽之祖 煩擾者恭釋綸音仰度聖意必謂今歲夏秋之間二宮 五皇子六皇子七皇子俱己長成一併加冠分封庶兔 冊立並加冠禮少候二宮落成之日行者有曰三皇子 **今及春為時幾何而綸命尚未渙發儀章尚未豫備誠** 可以落成耳不意工程浩大尚有一二修飾未完者而

金头口是人門門

辭以請伏顧明勃該部選擇吉期明勃各該衙門製辦 難緘黙不敢不請入不敢連章累牘致煩天聽故敢合 **愛其於室家之顧必有惓惓更切者臣等受國厚恩義** 駢 臻此宗廟社稷之大慶而中外臣民之大願也 **冠婚之禮並舉諸皇子分封加冠之禮諸禮並舉百福** 冊實紀服儀仗等物俟元正之後首舉冊立之禮隨舉 選己經數月皇長子屠齡明春十九知我皇上天性至 恐臨府建誤非所以仰體聖懷光船令典也况淑女之

大三月至 八十

淡然軒集

Ī

| 蚕异四母全書 道側懼呼向臣等言今春不雨麥已將稿穀種未布百 加封廟號潭名立畔紀功題請遣官前往潭所相視碑基 為欽奉聖諭事先該禮部以金山黑龍王廟井霖應禱 姓己無生理幸順皇上慈悲為民度養至誠格神時雨 奉聖旨是着侍郎余繼登吕鳴珂去欽此臣等遵旨於 祠下天日開霽近祠村民間臣等至皆扶老搞幼雅列 十六日蚕陛解西行一路陰雲四合細雨淋漓比至 黑龍王廟復命疏

大きりられる 祠宇見正殿三楹建在山頂廟貌整嚴規制工麗問之乃 上下相視廟前至廟門際地一段深一丈五尺潤五丈 萬感十三年我皇上臨幸後所重修者臣等因同國祥 舜熙皞盛治無難致矣進至廟中見真人張國祥率朝 皇仁如天如地真有莫能名言者臣等額喜我皇上一 念為民真心遂能感神感民至於如此充此心也即堯 應祈旬日以來麥盡吐穗穀盡布種有秋可望其感戴 天宮道士正在廟中建謝雨齊瞧臣等祗詣龍神起視 **後然軒集** 

三尺廟門外右為向下階級門左隙地一段止深一丈 尺八寸不足立碑建亭又下一層有三碑亭並列其

聖宣文明肅皇太后製禱雨龍潭靈應碑碑身高六尺 尺九寸左面一碑乃萬歷十四年三月皇上為聖母慈 身高四尺二寸澗二尺一寸下面石座計四層共高四 碑乃成化二十二年二月憲宗純皇帝御製碑碑

五寸潤二尺六寸石座髙二尺三寸潤三尺五寸右面

碑亦同時我皇上御製禱雨靈應碑碑身碑座俱與

欠己回目在 工部募工確石擇吉建立奉聖肯工部知道 據實開奏伏希皇上展斷如果前地相應立碑乞動下 僧含佛殿去廟潘稍遠不堪作基臣等謹具述所省視 上龍潭在旁足仰稱我皇上紀述功德之意此去又下 正與皇上先所立碑亭在上一層者相對况龍王廟在 潭右為隙地一段深三丈潤二支八尺此處立碑建亭 左一座同碑亭三座各方一支五尺叉下一層左為龍 層即為大門門外不遠即為潭水所涯處以南又皆 後無軒集

金少世是人 為陽春在邇恭請番示冊立冠婚之期以便舉行事臣 册立疏

掌安敢緘黙以誤大典敢被瀝上請惟陛下垂聽馬夫 立公典也公則宜公言之故臣等曩隨九柳科道合疏 等待罪禮曹今典禮之大莫有過於冊立冠雄者夫冊 以請未敢瑣價天聽伏候給音又喻月矣緣係臣部職

能違夫時情有所當體者慈父尤當念其子今皇長子

次是四百年音 欲於冠好之時先行册立之禮聖見高明聖裁允當確 等在部歲見宗室中有當封當婚者按例而請臣等按 父之成命未頌臣子之懇請屢格幸於去歲海發德音 不早推恩於皇長子臣等知其必不然也數年以來君 例而覆皇上無弗與者夫不吝推息於宗室之子而顏 而臣等不能將順於一年之後猶可以為人臣乎且臣 親則皇上之元子也册立社稷之本也好禮人道之始 **危禮成人之始也三禮並舉我皇上明翰於一年之前** 淡然軒集

Ė

刀典禮臨近之言雖申於計部而選擇吉期之古未明 如金石炳若日星九廟神靈萬邦黎庶日望此舉人矣 三禮既舉侍內官落成之日皇上還御之時住兒住婦 施 更該曰姑俟兩宮之成也盖皇上所御即為紫宸發號 有大禮願皇上早舉之朝廷有大信願皇上早踐之勿 超拜於前豈不尤為宮閣極樂之事哉臣等於二十六 示於春官臣等竊以天下有大本願皇上早定之國家 仁無所不可既不必候三殿又何必俟两宫若明春

為禁地火灾頻發天心震怒未回怨乞聖明痛加修省 吉期務及春和舉此盛典宗社幸甚天下幸甚 豈不有誤吉禮伏望皇上特降明綸行臣等衙門早擇 年題行各該衙門造辦錢糧未知完備與否償或就延 火灾修省疏

次已可且在時

淡然軒集

**灾一時焚燬無遺臣等不勝驚懼竊意我皇上敬畏事** 

天必將遇灾而懼側身修省以仰答仁愛乃伏候數日

以盡消弭之實事十一月二十七日尚寶司等衙門被

當敬慎以承之安有两宮三般之後餘威猶震餘怒未 未見傳示豈以為此常事不足以動聖心與夫人君事 曰 鬱 攸言人之不可 鬱也人醬則少然猶民之情不可 賜施行則宗社生靈不勝幸甚臣等考之傳記火之神 工同加修省諸可以收拾人心挽回天意者望皇上俯 **異而不知懼則無可懼矣伏乞亟降明諭申飭大小臣** 回復此譴告而恬不為意者臣等以為災異可懼也災 天如子事父母父母之怒大而發聲小而徵色人子皆

在安口厂人

累小民今無論供給之費奔走之勞令民失其農業即 神孰敢有擅自稽露者然積久生玩積玩生好萬一有 情欲達於上但憑童奏乃童奏又有時而不發上之情 煎銀不出至於賣沙賣沙不已至於包銀日復一日便 暢者乎皇上之崩礦也此不忍加派小民之心豈有貽 煬竈之夫釀成釜觜之勢則君臣之情得無有欝而未 **欲通於下惟憑批答而批答又有時而不下即皇上聖 欝也人情欝則思亂皇上積年累歲不接見羣臣下之** 淡然軒集

次定四事全書

金がいたという 富者貧貧者死彼其貧苦無即之情欲仰訴於皇上而 不可得也得無有鬱而未暢者乎有店則有貨有貨則 **時何以堪此彼小民不堪情狀欲仰訴於皇上而不可** 而無抽稅之人無一物而非可稅之貨即今商買不行 **十人姦民趨利如蠅聚腥引類呼朋布滿字內無一日** 有稅是皇上欲稍取之於富商非欲取之於貧民也乃 百物騰貴貧民無所愈食東手待髮當今水旱灾傷之 一官出而相隨者至數百人此數百人者又各相隨數

於百姓所以安於田里而無嘆息愁苦之聲惟恃有守 令在乃一拂羣小即被誣奏皇上不察有無即累逮之 得也又無有鬱而未暢者乎巡撫者天子所使扮循一 飲之四車全書 一 心彼其情得無有鬱而未暢者乎行取諸臣皆有功於 威雷 霆也逮則逮擊則繁矣然逮不當其罪繁不服 其 肅清吏治者也議及礦稅動被詰責此猶詰責而已至 方者也廵按曰代巡所以代天子循行一方彈壓好邪 囚繫之諸臣力救而不聽小民赴訴而不聽夫皇上之 淡然軒集

章既可行與否一一批發勿更萬中以滋聚人之疑於 者是在我皇上而已伏望景然覺悟銳然改圖於臣下 司又無官守之寄米珠新挂進退維谷即人臣之義建 礦脉之細微者以漸封閉之於稅貨之瑙屑者一切停 速惟命而諒其一念効忠之忱得無有鬱而未暢者乎 之又不用而羈之諸臣疏請稽而不報彼既無民社之 地方皇上以為才而召之闕下者也乃以為可用而召 夫匹婦含兔足動天意萬人所欝不火而燃所以通其欝

大已日日 在時 **鬯天意必回有不轉禍為福者臣等耳伏欺罔之罪矣** 為久病從發不能供職態乞天恩憐准休致以延殘喘 考選 使各吐 其胸中之奇以共濟艱難之運則人心既 事臣年來多病愈病愈衰愈衰愈病自本年六月感患 生員者按法而誅之假撫按以便宜之權勿輕損其體 面待守令以付托之重勿輕至於折推行取諸臣及時 免之於官民之不遵明青生事害人如打死平民打死 告病疏一 淡然軒集 一十四

次矣雖視息僅存而肌肉全消伏枕竊念禮曹非養病 自來疾嗽未有延至半年以後者此其病根已深非旦 **狽之狀皆臣同官司屬及滿朝諸臣所共見者自十一** 亦不效然猶抱病視事未敢一日偷安註籍其憔悴狼 痰墩延醫胗治服凉樂不效服熱樂不效服發散之樂 脾虚不能化粥喉啞不能出聲自卧病至今昏暈者二 夕樂 餌所能取效見今痰涎壅盛晝夜不得眠卧以至 月十七日送支持不前始註籍調理醫官錢潘等皆謂

者方可周旋臣病已深臣力已竭矣伏乞聖慈憐臣真 Kanding Little 之地尚書非病卧之官况今大禮在通必得年力精壮 事先該臣以患病乞休奉聖吉妳偶疾准暫假調理痊 病真情毫無假飾特准休致回籍安心醫治儻得延一 為痼病難痊治療罔效仰懇天恩慈悲憐憫早放生還 日之生皆我皇上天地大思也奉聖古鄉偶疾准暫假 理痊可即出供職吏部知道 告病疏二 淡熟軒集 三

肯遠棄賜以暫假望之供職臣伏枕誦讀感激泣零誓 金月四月人言言 當指糜以答高學旬日以來博訪諸醫如意調治緣臣 樂到口旋即吐出夫使病而受樂猶底幾望痊可也今 讀恐獨令臣呻吟委頓坐斃於旅舍床俸之間哉伏乞 上至仁如天不恐使一民一物或失其所况臣舊侍講 自六月以來無日不服湯樂樂非對症脾久受傷今湯 可即出供職吏部知道欽此以臣病因之極皇上猶不 不能受矣是臣病之愈無日臣命之盡有期仰惟我皇

たこう自合する 不准辭吏部知道 為天恩甚重臣病甚危怨乞聖慈准辭印務以便調 之至奉聖首鄉做悉易愈宜善加調理產可即出供職 理事該臣以患病再號乞休奉聖吉鄉微恙易愈宜善 道路臣即死亦當效銜結於地下也臣不勝千萬哀懇 開天地之心憐准回籍調理便臣少存視息不順滅於 調理痊可即出供職不准解吏部知道飲此臣伏枕 辭印務疏 淡然軒集 三去

苦楚之中竊念臣卧病一日則廢一日之職業患病日 熱益深樂餌不進粥食不消骨瘦如柴命危若露呻吟 叩頭感激流涕思皇上之恩如天如地而臣愚之病益 印務得專意調治償得萬一少產當連古供職不敢負 安能勉強憂愁恐懼病勢益增伏乞聖明唐憐准臣辭 稍可即出供職吏部知道 恩德也奉聖古鄉偶疾未痊宜如意調攝印務不必辭 久 職 廢日多即今新春伊通大禮舉在目前臣病若斯

金分四月分言

事臣於二十七年十二月內疏乞回籍養病與解印調 為久病調治不痊勢漸沉篤哀懇聖慈乞賜骸骨生還 告病疏四

即犬馬亦知戀主乃臣安心静養又一月矣樂餌滿前 理俱未蒙我皇上俞允且諭臣加意調攝稍可即出臣

臣典禮不效無力回天陛下幸寛臣之罰而天實降之 入口即吐醫人環視無計可施病日益沉粥日益減是

次足可自在官司 罰也今已無痊可之望矣不得不忍死哀鳴於君父之 淡然軒集

當此多事之時曷敢言去今臣病勢至此陛下即留臣 前臣間古者君之於臣也壯則用其力老則逸其身病 病廢之身而久稽吉慶之典則臣感戴思德生當效祝 誦之忧發當圖銜結之報臣氣結魂悖語詞無倫不勝 准臣回籍養病別簡才賢代臣之任替襄典禮勿因臣 亦不過呻吟牀褥虛糜廪禄而已果何益哉伏乞天恩 則如其私臣病甚矣惟陛下憐而惜之耳盖臣報主之 心敢不自勉而趨事之力實已不支夫使臣力可驅馳

在いろでたんごう

為患病日久職業日際憂懼交并勢漸危困惡乞天思 恐懼懸祈之至疏上不報 告病疏五

能上達於天固其所也然天雖至高而凡人疾痛愁苦 痊具 玩乞休未蒙我皇上 抗發臣竊自傷大馬之誠不 早放生還事該臣於本年再二十四日以久病調理不

飲定四車全書 耳使臣可以勉強支持何敢瑣資天聴第臣病根已痼 **未有不額天而訴者以萬物皆覆於天舎天無所可訴** 凌然斬集

難於處痊瘦骨已枯難於復肉呻吟床褥曠廢職業非 萬化俱以患病乞歸並蒙我皇上俞允慎行雖少延殘 人臣所宜是以既有性命之爱復有官守之處中心煩 灼痰火填壅飲食不思眩暈時發故敢復以真病真情 里伸得遂首丘之願臣即今生無以報陛下願生生世 狼狈尤為過之伏乞聖慈准照二臣前例將臣放歸田 **喘萬化竟須身道途今臣病體實與二臣相同而勢之** 仰訴於皇上之前查得先年原任本部尚書于慎行羅

部知道 奉聖旨称疾不妨在任調理痊可即出供職不准辭吏 為遵例解俸以便調理事昨臣以久病乞休奉聖吉柳 疾不妨在任調理痊可即出供職不准辭吏部知道欽 世誓竭捐糜之報也臣不勝戰慄憤越仰天祈懇之至 たこりられたう 此臣伏枕捧讀感激流涕盖思為重命為輕敢惜狗馬 之軀不竭消埃之報但臣查得大明會典內一致凡内 解俸疏 淡然軒集 三九

勝惶恐戰慄之至奉聖古婦疾宜安心調理痊可供職 金分四月五十三 安心勉就醫樂萬一尚望產可之期也臣項賣天威不 勃下該部將臣俸糧照例住支使臣得少追虚康之懼 俸不必辭該部知道 月二十五日已淌三月而臣身尚骨立不能離床伏乞 歴二十七年十一月 二十五日註籍扣至二十八年二 外文武官員患病三箇月之上俸糧截日住支臣自萬 告病筑

我皇上俞允臣感激天恩義不恐恝於本年四月初三 於萬歷二十七年冬患病優疏乞恩回籍調理俱未蒙 為病體萬分難支哀懇聖慈憐准致仕以保餘息事臣 とこう うここう 盡欺眾人而敢上欺陛下也延至本年五月十四日忽 痰嘋如初肌膚俱銷精神太减行稍速必須掖持坐稍 日扶病見朝初四日謝恩勉強進部理事然氣血耗損 感洩瀉至今服樂不效而臣二十七歲之于又復夭折 久即覺潦倒此舉朝大小臣工所共見共憐者臣何能 淡然軒集

起好四届在言 而臣病卧私室不能倡率司官以致諸務稽延問或奸 惚語音失常委頓床惟時覺昏慣禮曹今當多事之日 情關骨內寧不痛心匹贏病軀堪此推剥因而神思恍 息死且不朽矣臣非病極勢迫何敢輕瀆天聽惟皇上俯 已久容臣致仕回籍别簡名流以賛邦禮則臣生保殘 錯則臣之罪愈大臣之苦愈甚矣伏望皇上憐臣真病 聖古覽奏知鄉感傷致疾宜寬心調理痊可即出供職 賜俞允臣不勝恐懼戰慄伏枕叩頭千祈萬懇之至奉

たこりあるとから 不准辭吏部知道 淡然軒集 里

金岁巴尼人 淡然軒集卷二 卷二